

Nakon provedenog postupka direktnog sporazuma na način po postupku predviđenom članom 90. Zakona o javnim nabavkama BiH, zaključuje se

## U G O V O R

### O IMPLEMENTACIJI USLUGE WEB SHOP-A

Zaključen dana 18.09.2020. godine između:

**1. JAVNE USTANOVE "APOTEKE SARAJEVO"**, Sarajevo, Kranjčevićeva 29, koju zastupa generalni direktor Nedim Hrelja mr. ph. MBA (u daljem tekstu Naručilac)

i

**2. MEDISOFT p.o.**, sa sjedištem u Banja Luci, Kralja Alfonsa XIII br. 10, ID Broj: 4505969070005, koje zastupa Aleksandar Petrović, direktor (u daljem tekstu Izvršilac)

## I PREDMET I CIJENA

### Član 1.

Predmet ovog ugovora je nabavka usluge implementacije usluge web shop-a za potrebe Naručioaca.

Vrijednost navedenih usluga u skladu sa predračunom 057/20 iznosi

- iznos bez PDV-a 5.999,00 KM
- iznos PDV 17% 1019,83 KM
- UKUPNO 7.018,83 KM

## II ROK I NAČIN ISPORUKE

### Član 2.

Izvršilac se obavezuje da će Naručiocu isporučiti uslugu iz člana 1. ovog ugovora u roku od 15 dana od potpisa Ugovora.

Izvršilac će Naručioaca blagovremeno obavijestiti o prispjeću isporuke.

Izvršilac je obavezan da Naručiocu nadoknadi štetu zbog neblagovremene isporuke robe, izuzev u slučaju više sile, poremećaja na tržištu, razloga koji je skrivio Naručilac i drugih okolnosti na koje Izvršilac nije mogao da utiče, kao i nastalu štetu zbog neisporučene količine robe koja je poručena.

### **III KVALITET**

#### **Član 3.**

Izvršilac garantuje da će Naručiocu osigurati izvršenje usluge koja je predmet ovog ugovora, u skladu sa međunarodnim standardima, u protivnom, Izvršilac je obavezan da Naručiocu naknadi pretpjelu štetu.

### **IV NAČIN I ROK PLAĆANJA**

#### **Član 4.**

Za izvršenu uslugu po ovom ugovoru, plaćanje će se vršiti u roku od 30 dana od dana ispostavljenе fakture, na račun Izvršioca naznačen na fakturi.

Faktura sadrži naziv, broj i datum ugovora na osnovu kojeg se ispostavlja.

### **V SAOPŠTENJE I REKLAMACIJE**

#### **Član 5.**

Ugovorne strane su saglasne da će se međusobno informisati o svim bitnim elementima koji su od značaja za realizaciju ovog ugovora. Svaka strana zadržava pravo da u roku od tri dana, računajući od dana učinjene povrede odredbi ovog ugovora, uloži prigovor drugoj strani.

### **VI TRAJANJE UGOVORA**

#### **Član 6.**

Ovaj ugovor se zaključuje na period od 30 dana od dana potpisa Ugovora.

### **VII PRELAZNE I ZAVRŠNE ODREDBE**

#### **Član 7.**

Ukoliko u toku trajanja ovog ugovora dođe do bilo kakvih promjena u nazivu ili drugim statusnim promjenama ugovornih strana, tada će sva prava i obaveze ugovorne strane kod koje dođe do takve promjene, preći na njegovog sljedbenika.

#### **Član 8.**

Za sve što nije predviđeno ovim ugovorom primjenjuju se odredbe Zakona o obligacionim odnosima i drugih pozitivnih propisa.

Ugovorne strane su saglasne da je u rješavanju eventualnog spora nadležan Sud u Sarajevu.

#### **Član 9.**

Ugovorne strane su saglasne da do raskida ovog ugovora može doći na pismeni zahtjev jedne od ugovornih strana, sa otkaznim rokom od 15 dana.

**Član 10.**

Ovaj ugovor je sačinjen u četiri istovjetna primjerka od kojih dva primjerka zadržava svaka ugovorna strana.

**JU „Apoteke Sarajevo“**  
**Nedim Hrelja mr. ph. MBA**  
Generalni direktor

**Medisoft p.o.**  
**Aleksandar Petrović**  
Direktor